



Служба престо́у Бѣ́зъ,
 предъ чудотворно́ю ѿ ико́ноу поча́евскою прѣвѣмаа.

Сборник для смешанного хора
 Редакція и составленне Г.Смирнова
 Храм Воздвиженна Честнаго Креста в Ялтѣфьво.

**НА ВЕЛИЦЕЙ ВЕЧЕРНИ,
НА ГОСПОДИ, ВОЗЗВАХ: СТАВИМ СТИХОВ 8**

и поём стихи́ры, глас 5:

**Приидите, россиястии собóри,/ и от всех язык, вернии,
соберитесь,/ на гóру Почаевскую взыдем и в дом Матере
Бóжия,/ и ўзрим место стопы́ Ея,/ идеже во огненном
столпе древле яв́ися,/ и от исто́чника, оттуду истéкшаго,
вéрою окропление при́имем,/ и чудотворней иконе Ея по-
клонíмся,/ прощéния прегрешений наших просяще, // и
душам нашим велия мíлости. [Два́жды.]**

**Ко Твоему́ заступлению притекаем, Пречи́стая,/ и чудеса,
во обители Почаевстей от Тебе бывшая, воспева́ем:/ ис-
целéния бо zde слепии и хромии радостно приима́ху,/ бес-
нii свободяхуся, и мертвии воскресóша,/ и несть тако-
ваго жестокаго сéрдца,/ éже зрением святыни Твоея не
умилíтся./ Но утверди́, Всепéтая,/ благое изволение мо-
лящихся Тебе // и подаждь душам нашим вéлию мíлость.**

**Ра́дуйся, Благодатная Богорóдице,/ Твое стадо от небес
назира́ющи,/ от Ангел убо пение приéмлющи,/ от нас же
изливаемая умиленные слезы вíдящи/ и молитвенная
воздыхания душ наших слы́шащи:/ сия́ бо паче витийства
словéснаго/ на милосéрдие Тебе преклоня́ют, // во еже по-
дати душам нашим вéлию мíлость.**

Ины стихи́ры, глас 2:

**Твою́ икону целующе, Влады́чице,/ и следу стопы Твоея
покланя́ющися,/ и заступлéния Твоя многая поминáюще,
достойных словес о прославлении Тебе не обрета́ем,/ но,
благоговéйныя слéзы Тебе в молчании приносяще,/ аки на
небеси, себе мним, Твоей славе предстоя́щая; // спаси Тебе
велича́ющия. [Два́жды.]**

**На горé Фавóрстей Петр со други Господне Преображе-
ние вíдев/ и лепотою славы Его усладя́ся,/ тако во-
пияше Емú:/ Гóсподи, добро есть нам zde бы́ти./ Сицевый
же глагол рцém,/ брáтие, на гору явления Матере Божия
собрáвшися,/ и преобразование сла́вы Ея, zde бывшее, по-**

мышляюще,/ и во умилении вопиюще к Ней:// спаси Тебе величающия.

На скале пустынной первее явилася еси, Владычице,/ светом огня просвещение верных zde прообразующи/ и купину неопалимую на память людям приводящи;/ потомже с небес видение Твоего заступления/ иноком почаевским явила еси,/ яко покров Твой, Андреем древле виденный./ Нас же, молящихся, светом озари духовным// и спаси Тебе величающия.

Слава, и ныне, глас тойже:

Непроходимая врата, тайно запечатствованная,/ благословенная Богородице Дево,/ прими моления наша/ и принеси Твоему Сыну и Богу,// да спасет Тобою души наша.

Вход с кадилом. Прокимен дне. Таже чтения праздника три.

Бытия чтение. [Глава 28.]

Изыде Иаков от студенца клятвеннаго и иде в Харрань. И обрете место, и спя тамо, зайде бо солнце; и взят от камня места того, и положи возглавие себе, и спя на месте оном. И сон виде: и се лестница утверждена на земли, еяже глава дозязаше до небес, и Ангели Божии восходяху и низходяху по ней. Господь же утверждася на ней, и рече: Аз Бог Авраамов, отца твоего, и Бог Исааков, не бойся: земля, идеже ты спиши на ней, тебе дам ю и семени твоему. И будет семья твоя, яко песок земный, и распространится на море, и ливу, и север, и на востоки, и возблагословятся о тебе вся колена земная и о семени твоём. И се Аз с тобою, сохраняяй тя на всяком пути, а може аще пойдеш, и возвращу тя в землю сию, яко не имам тебе оставити, дондеже сотворити Ми вся, елика глаголах тебе. И воста Иаков от сна своего, и рече: яко есть Господь на месте сем, аз же не ведах. И убойся, и рече: яко страшно место сие, несть сие, но дом Божий, и сия врата небесная.

Исхода чтение. [Глава 3.]

Виде Моисей в гору Божию Хорив. Яви же ся ему Ангел Господень в пламени огненне из купины. И виде, яко купина горяше огнем, и купина не стараше. Рече же Моисей: прешед, узрю видение великое сие, что яко не старает купина? Якоже виде Господь, яко приступает видети, призвал его Господь из купины, глаголя: Моисее, Моисее. Он же рече: что есть? И рече: не приближися семо; изуй сапог от ног твою: место бо, на немже ты стоиши, земля святая есть. И рече ему: Аз есмь Бог отца твоего, Бог Авраамов, и Бог Исааков, и Бог Иаковль. Отврати же Моисей лице свое: стыдяше бо ся зрети пред Богом. Рече же Господь к Моисею: видя, видех озлобление людей Моих, иже во Египте, и вопль их услышах от насильствующих в делех, вем бо болезнь их, и снидох, еже изъяти их от руки египтян, и извести их от земли оныя, и ввести их в землю благу и многу, в землю, точащу мед и млеко.

Пророчества Иезекиилева чтение. [Главы 43 и 44.]

Тако глаголет Господь: будет от дне осмаго и прочее, сотворят иереи на олтари всеожжения вашего и яже спасения вашего, и приму вы, глаголет Адонай Господь. И

обрати́ мя на пу́ть вратъ святы́х внѣшних, зрящих на восто́ки, и сия́ бяху затворѣна. И рече́ Господь ко мнѣ: врата́ сия́ затворѣна́ бѹдут, и не отвѣрзутся, и никто́же про́йдетъ сквозѣ́ их, яко́ Господь Богъ Израїлевъ про́йдетъ ими, и бѹдут затворѣна. Яко́ игу́менъ сядетъ в нихъ снѣсти хлѣбъ: по пу́ти ела́мскихъ вратъ вни́дет, и по пу́ти его́ изы́дет. И введе́ мя по пу́ти вратъ святы́х, су́щихъ къ се́веру, прѣ́мо хра́му, и ви́дех, и се́ испо́лнь сла́вы хра́м Господень.

НА ЛИТИИ СТИХИРЫ, ГЛАС 6:

Стру́и исцелѣ́ний всегда́ источа́еши, Де́во, ве́рным, притека́ющимъ къ цельбоно́сней стопѣ́ Твое́й, Богоневѣ́сто! Ту́не бо излива́еши от не́я оби́льно и богáтно недѹгующимъ исцелѣ́ния: слепы́я явля́еши ви́дяща́ ясно, притека́ющия къ Тебѣ́ хромы́я мно́гия испра́вила еси́ и разсла́бленныя стягну́ла еси́, подаю́щи всѣ́м, я́же ко спасѣ́нию, прошѣ́ния и душáм на́шим ве́лию ми́лость.

Прииді́те, празднoлю́бцы, чѹдное явлѣ́ние ико́ны Бóжия Мáтере, е́же на горѣ́ Поча́евстей, просла́вим: пресла́вно бо и боголе́пно во оби́тели Поча́евстей возсия́, неисто́щиму́ю чудѣ́с благода́ть всѣ́м излива́ющи. Те́м усты́ и се́рдцы, и пѣ́снями, и пѣ́нии духо́вными се́й святы́й де́нь со всѣ́ми, на го́ру Поча́евскую притека́ющими, прáзднуемъ свѣ́тло.

Сла́ва, и ны́не, гласъ то́йже:

Воспо́йте, росси́йстии наро́ди, Цари́це Бóжией Мáтери пѣ́снь но́ву, соде́явшей чѹдо, новѣ́йшее́ всѣ́х дрѣ́внихъ чудѣ́с, на горѣ́ Поча́евстей: си́льныя бо сокруши́, стрѣ́лы ага́рянскія, на ню́ от тата́р направля́емыя, на главу́ ихъ вспя́ть обра́щающи, немощны́я же препоя́са си́лою свы́ше, и вознесе́ смире́нныя. То́й победі́тельная возсыла́емъ и, припа́дающе, вопи́емъ: Застѹ́пнице́ на́ша усѣ́рдная, Мáти Го́спода Вы́шняго, сла́ва Тебѣ́!

НА СТИХОВНЕ СТИХИРЫ, ГЛАС 3:

Кто́ возглаго́летъ си́лы Твоя́, Богоро́дице, цельбоно́сный Поча́евский исто́чнице? Неисто́щимы́ми бо дарова́нии изоби́люющи, мно́гая и па́че естества́ содева́еши исцелѣ́ния, не то́кмо телѣ́сныя болѣ́зни врачѹ́ючи, но и душе́вныя стра́сти на́ша измыва́ющи, и всѣ́м пода́еши ве́лию ми́лость.

Сти́х: Слы́ши, Дщи́, и ви́ждь, и приклони́ у́хо Твое́.

Твоими чудесы, Богородице, невернии умилившись, Православную веру исповедаху, и еретицы от ереси отрекошася и ко стаду церковному сопричтошася, беснии от мучительства демонов свободяхуся, и жестокая сердца смиришася. Убо и души наша покаянием просвети, подаючи нам велию милость.

Стих: Лицу Твоему помолятся богати людстии.

По избавлении от неверных Твоея лавры, Владычице, икону Твою православнии людие радостно прияша, якоже древле Животворящий Крест Сына Твоего от пленения персского; темже исцеления, от нея бываемая, такожде умножишася, ихже не лишй и нас, молящих Ти ся, подаючи душам нашим мир и велию милость.

Слава, и ныне, глас 8:

Седяй на херувимех и Певаемый от серафим из утробы Девы благоволи родитися, и Сию, яко Матерь Божию, в молитву призывати нас научи, पहले в Кане Галилейстей Тоя моления о людех приемый и донине молитв Ея ради прошения наша исполняй. Приидите убо, христоименитии людие, на место чудес Пресвятыя Богородицы и, моления ваша пред иконою Ея изливающе, несомненною верою утвердитесь, еже прияти нам от Нея велию милость.

НА БЛАГОСЛОВЕНИИ ХЛЕБОВ

Тропарь, глас 5:

Пред святою Твоею иконою, Владычице, / молящися исцелений сподобляются, / веры истинныя познание приемлют / и агарянская нашествия отражают. / Темже и нам, к Тебе припадающим, / грехов оставление испроси, / помыслы благочестия сердца наша просвети / и к Сыну Твоему молитву вознеси // о спасении душ наших. **Трижды.**

НА УТРЕНИ,

На Бѡг Господь: тропарь праздника, трижды.

По 1-м стихословии седален, глас 4:

Богородица христианом всегда бысть милостивая Услышательница, от конец земли к Ней возносящим молитвенныя гласы, Почаевскую же гору яко место явлений Своих избра, и сего ради zde быти поспешают христиане, ихже моления не отврати, Владычице, но и праведным, и грешным буди Ходатаица.

Слава, и ныне, тойже.

По 2-м стихословии седален, глас 7:

Отверзи врата твоя, святая лавро Почаевская, и прими приходящая безчисленныя народы, святую икону Владычицы облобызати умиленно тшачияся и вкупе со братиею монашествующих усердная моления возносящая ко Христу Богу, да молитвами Приснодевы, Матере Своея, милостив будет рабом Своим.

Слава, и ныне, тойже.

Величание:

Величаем Тя, / Пресвятая Дево, / и почитаем честную икону Твою, / юже от лет древних на горе Почаевстей // прославила еси.

Псалом избранный:

Помяни, Господи, Давида и всю кротость его. / Яко клятсЯ Господеви, обещахся Богу Иаковлю. / Се слышахом я во Евфрафе, обретохом я в полях дубравы. / Преславная глаголашася о Тебе, граде Божий. / Бог посреде его, и не подвижится. / КлятсЯ Господь Давиду истинною и не отвержется ея. / От плода чрева Твоего посажду на престоле Твоем. / Яко избра Господь Сиона, изволи его в жилище Себе. / Осветил есть селение Свое Вышний. / Святыня и велелепота во святиле Его. / Свят храм Твой, дивен в правде. / Дому твоему подобает святыня, Господи, в долготу дней. / Помяну имя Твое во всяком роде и роде. / Благословен Господь во век и в век века.

Слава и ныне: Аллилуия, аллилуия, аллилуия, слава Тебе, Боже. Трижды.

По полиелеи седален, глас 6:

Днесь о всех чудесах Твоих, Владычице, на горе Почаевстей бывших, благодарения Ти Церковь приносит. Темже сошедшияся люди Твоя от небес благослови, разум наш уцеломудри, и житие наше исправить помози, и о спасении душ наших моление к Богу вознеси, молим Ти ся.

Слава, и ныне, тойже.

Та́же степéнна, 1-й антифóн 4-го глása. Прокíмен, глác 4:
Помяну́ и́мя Твое́ во вся́ком ро́де и ро́де. Сти́х: Слы́ши,
Дщи́, и ви́ждь, и приклони́ у́хо Твое́. Вся́кое дыха́ние да
хва́лит Го́спода. Ева́нгелие от Луки́, зача́ло 4.

По 50-м псалме́ стихи́ра, глác 5:

Прииди́те, россия́стии собóри, и от все́х язы́к, ве́рнии, со-
бери́тесь, на го́ру Поча́евскую взы́дем и в до́м Ма́тере
Бо́жия, и у́зрим ме́сто стопы́ Ея́, иде́же во о́гненном стол-
пе дрéвле яви́ся, и от исто́чника, оттúду истéкшего, ве́рою
окроплéние при́емем, и чудотво́рней ико́не Ея́ покло-
ни́мся, прощéния прегрешéний на́ших прося́ще и душа́м
на́шим ве́лия ми́лости.

Кано́н, [его́же краегране́сие: Богоро́дице Поча́евская,
спаси́ и сохрани́ правосла́вную Ру́сь,] глác 8.

Пе́снь 1.

Ирмо́с: Пои́м Го́сподеви, / прове́дшему люди́ Своя́ сквозе́
Чермное мо́ре, // яко́ Един сла́вно просла́вился.

Бо́жию Ма́терь воспой́м, ве́рнии, молéния к Не́й принося́ще и чудотво́рному Ея́ о́бразу покланя́ющесея
ве́рою и любóвию.

О, Влады́чице, убо́гия хвалы́ наша́ не отвéржи и грехо́вныя нищеты́ не возгнуша́йся, но припа́дающия
люди́ приими́, яко́ Благо́я, Благо́го же Родите́льница.

Гора́ Поча́евская, прéжде те́мная и безве́стная, явлéнием Твои́м, Влады́чице, Сина́ю уподо́бися: та́мо
бо о́гнь, кушину́ не паля́й, Тебе́ прообразова́ше, зде́ же Сама́, во огни́ зря́мая, христиа́ном явила́ся еси́.

Очи ва́ши блаже́ни, о па́стырие о́вчи, Влады́чицу на горе́ Поча́евстей узрэвши и те́м ча́сти виф-
леёмских па́стырей сподо́бльшиися. Те́мже у́бо блаже́ни су́ть христиа́не, сего́ не ви́девши, но ве́рою
ме́сту то́му покланя́ющияся.

Ро́ди россия́стии и от вся́каго язы́ка ве́рнии, соше́дшесе к ме́сту явлéния Влады́чицы, чудотво́рному
Ея́ о́бразу поклони́мся и о свои́х согрешéниях воспла́чем, о милосе́рдии же Господни́ возра́дуемсея.

Огненный сто́лп, Влады́чице, Тебе́ ино́ком и па́стырем явля́ше, на́м же о́гнь ре́вности вложи́ в ду́шу,
е́же ве́ру и́стинную хранити́, от вся́каго же глаго́ла ерети́ческаго отвраща́тися и грехо́вную отрва́ти
преле́сть от серде́ц на́ших.

Катава́сия: Отве́рзу уста́ моя́...

Пе́снь 3.

Ирмо́с: Ты еси́ утвер́ждение / притека́ющих к Тебе́,
Го́споди, / Ты еси́ Све́т омраче́нных, // и поёт Тя ду́х мой.

Да́р свяще́нный, страннопри́имства мзду́, при́ят христоро́бивая Анна́ ико́ну Твою́, Влады́чице, руко́ю
святи́теля, от нея́же исцеле́ние бра́ту своему́ сле́пу ро́ждéну ви́девши, сию́ во оби́тель Поча́евскую на
о́бщую по́льзу да́рствует.

Ико́ну Поча́евскую Пречи́стыя Богоро́дицы лобыза́им, ве́рнии, и, пока́яние о гресéх на́ших принéсше,
здравия́, и от ну́жд избавле́ния, и во все́х благо́их начинáниях по́мощи от Влады́чицы воспро́сим.

Цве́т прекра́сный на дрéве благосенноли́ственнем яви́ся чудотво́рная ико́на Богоро́дицы на святе́й го-

ре Почаевстей: просите, вернии, и дастся вам, по глаголу Христову, милосердия дар, житию вашему нужный.

Еже временно житию нужно бывает, о братие, в мале полезно есть, и сия дарствует нам Господь, по молитве Матери Своей. Обаче терпящая паче сих блажит и вечную радостью на небеси награждает, юже нам даровати, Владычице, помолися.

Почаевская церковь, чудотворный след стопы Твоей, Богородице, покрывающая и икону Твою хранящая, аки небесный вход верным является, в нейже молящимся помози, о Владычице, земная попечения отложить, и единого, еже на потребу, желати, и в молитве тепле просити.

Оле безумия иконоборцев, иже икону Твою, Владычице, от Почаевския обители плениша и, поруганию предающе, кару Божию абие на ся наведоша, беснованием же обличене бывшей женé, ужасом многим содержахуся.

Седален, глас 6:

Река, обильно текущая, покою не навиче, ниже престати от течения водного возмóжет, тако и моления Твоя, Владычице, о людех присно возносима, не престають, но праведныя от падений хранят, падшия же на покаяние возоставляют. Нам же, Твоему образу поклоняющимся, сугубую умиления благодать даруют и вопити Тебе со архангелом и Елисаветою воздвизают: благословена Ты еси в женах, и Твоего чрева Плод благословен есть.

Песнь 4.

Ирмос: Услышах, Господи, / смотрения Твоего таинство, / разумех дела Твоя // и прославих Твое Божество.

Часу и дни пришедшу возвращения иконы Твоей во обитель Почаевскую от иконоборцев, сию пленивших, возрадовался преподобный Иов со братиею, тую лобызаяще; ныне же на всяк день и час входящие во обитель Твою христиане туже радость и веру пред нею свидетельствуют.

Аз, грешный, лениостию поработен, о Владычице, благаго Бога присно грехи своими прогневаю, ниже очи свои возвести к Нему дерзаю, но ко Твоему припадаю чудотворному образу, пред нимже кающиеся прощение от Тебе прияша, и вопию: Господа, Сына Твоего, умиловати и мне предстательством Твоим.

Еда обрящется толико окамененный сердцем и безумен муж, иже не умилится, в церкви Почаевстей предстой и святыням Твоим, Владычице, поклоняйся, чудеса же, от них бывшая, помышляя и верою молящаяся видяи народы?

Видени быша мнози, исцеленни пред иконою Твоею, Владычице, слепии и хромии, слышани быша глушии и немии, возглаболавшии: тамо беснии, воды от стопы Твоей пьюще, от бесов свободяхуся. Темже и мою прими молитву, еже от бесовских страстей свободитися и свет спасения Христова выну созерцати.

Сый во узилищи земли турския пленен, инок Твоею силою, Владычице, на воздухе в гору Почаевскую принесся, убо и мене, во узах страстей суща, ныне, в день славы Твоей, от тех свободи и лику верою и любовью поющих Тя сопричти.

Ко Твоему чудотворному образу притек, Владычице, и водою от следа стопы Твоей омывся, сляченый недугом юноша абие исцелé, слепая же отроковица, zde принесенная, прозрe, и предумыерый младенец воскресe, убо и мене, припадающа, от смертоноснаго уныния воздвигни и душевныя мои отвeрзи очи.

Песнь 5.

Ирмос: Утренююще, вопием Ти: / Господи, спаси ны, / Ты бо еси Бог наш, // разве Тебе, иного не вемы.

Аще и всех грешнейший есмь от тем людей, ко Твоей, Владычице, иконе припадающих, аще и вси верою своею мя превзидоша, обаче и мене, окайннаго, не отрини от Твоего заступления, милостей бездну людем во обители Твоей явившая.

Якоже ко всем призывающим Тя милостива являеши, издавеча иконе Твоей мысленно поклоняющиеся слышиши, и тако отрочица некоего, по молитве прабабы его, воскресила еси, и ныне, о Владычице, ко всем, от конец земли Тебе молящимся, благоуветлива буди.

Се, Владычице, людей многая множества, на святую гору Твою притекающе, милости Твоей получитьи ищут, вернии вкупе с маловерными, праведнии и грешнии, с нимиже и Церкви святей чуждии примeтаются, всех убо помилуй, всем свет истинныя веры яви во спасение.

Почто аз, грешный, Пречистой Богоматери поклоняясь и исправить житие своё обещаая, паки на прежняя прегрешения обращаюсь? Увы мне! еда злейший есмь неверных агарян, иже на горе Почаевстей покаяние принёсше, добри христиане содеяшася?

Аще и люти быша агаряне турстии, святую обитель Твою, Владычице, осаждающе, аще и стрелы в Тя, на небеси явльшуюся, пушати дерзнуша, но сим на главы их возвращающимся, сердцем сокрушенным покаяшася и силу Твою исповедаша.

Со Иовом преподобным на небесех Тебе зряще, Владычице, агаряном смятённым и бежащим, иноцы Почаевстии песнь воспеша Ти достойную, со угодником Тебе благодаряще тепле.

Песнь 6.

Ирмос: Ризу мне подаждь светлу, / одеяйся светом, яко ризою, // Многомилостиве Христе Боже наш.

Иже от агарян Тя, Владычице, на небесех узреша, друг друга вопрошаху: что есть видение сие ужасное? И ови, смятени бывше, друг друга убиваху, ови же, веру в сердце своё приёмше, крещения требоваху, по сих же иноцы быша чрез всё житие, силу Твою воспевающе.

Иноки и мирския люди, Твоему заступлению верующия, Владычице, обогати духовными дарованиями, маловерныя же просвети и озари, якоже тогда неведевшия Христа агаряны в познание Его привела еси.

Сохраниша память Твоего заступления, Владычице, агаряне, в землю турскую возвращешся, и чадом своим о явлении Твоем память предаша. Кольми паче нам, христианом, чудеса Твоя, на горе Почаевстей бывшая, памятовати подобает?

Образу Твоему мысленно припадая, во глубокий кладязь впадый муж от несумнённыя смерти спасёся и, невердимь из глубины подъят быв, Твое проповедаше милосердие.

Хотел бых и аз, Владычице, вере спасённых Тобою людей подражати, хотел бых и аз Твое заступление в житии моём улучшить, но за множество прегрешений моих оскудевает моя вера. Сию убо укрепь во мне, Владычице, вопиющем: верую, помози моему неверию.

Ров прельщений латинских чрез сто и десять лет поглотил обитель Почаевскую, но Твоим, Богородице, заступлением паки та я к высоте Православия изымлетя и лавра именуется. Сию убо в Православней вере непоколебиму соблюди даже до часа втораго пришествия Сына Твоего и Бога.

Кондак, глас 1:

Источник исцелений и веры Православныя утверждение / Почаевская Твоя икона, Богородице, явися, / темже и нас, к ней притекающих, / от бед и искушений свободи, / лавру Твою невредиму сохрани, / Православие во окрест стоящих странах утверди / и грехи разреши молитвенник Твоих: // елика бо хочещи, можещи.

Икос:

Востаните от гроб ваших, иноцы Почаевстии, и рците нам: коликих чудес Пресвятыя Богородицы бысте зрители и свидетели, како мертвии пред Той иконою воскресаху, како демони от мучимых людей отбегашу, како недужнии тамо исцеляхуся, како невернии вероваху, како хулители тамо каяхуся? Сия бо дивна бываху человеком и Ангелом. Мы же, вся сия бывшая и доднесь бываемая воспоминающе, со страхом и умилением ко святей иконе Пречистой Богоматере молитвенно припадаем и глаголем сие: О, милостей бездно и благодеяний сокровище, грехи разреши молитвенник Твоих: елика бо хочещи, можещи.

Песнь 7.

Ирмос: От Иудеи дошедше отроцы, / в Вавилоне иногда / верую Троическою пламень пещный попраша, поюще: // отцев Боже, благословен еси.

Акафистово пѣние возношаху пред иконою Твоею, Пречистая, православнии людие, егда обитель Почаевская повелѣнием царевым Цѣркви возвращена бысть, темъ убо оставление грѣхов испроси, намъ же, молящимъ Ти ся, на враги пособствуй.

Николая Пѣрваго, Самодѣржца, дѹшу упокоити молися, Владычице, вкупѣ же и всѣх, о возвращении лавры Твоея из еретическаго плѣна потрудившихся, намъ же, к Тебѣ прибегающимъ, подаждь единомыслие и миръ.

И нынѣ державствующему царю нашему милостива буди, Владычице, и о Цѣркви мирная глаголи сѣрдцу его, покаяюще под нозе его противоборствующиея враги и супостаты.

Пред Твоею иконою, Богородице, православнымъ христианомъ возвращенною, паки исцеления приимати вернии навькоша: не у истѣкшу бо единому лѣту от того дне, уже четырьми чудесы Цѣрковь Христову прославила еси во утешение людемъ.

Рая небснаго сподоби ны, Владычице, святую лавру Твою аки земный рай почитающия и Твоя милости теплою верою воспеваящия.

Авраамъ Господень день издалеча виде, и радовася, и чаяниемъ того дне живяше; узревши же издалеча Твою Почаевскую цѣрковь некая хромая жена и упованьемъ Твоею помощи исполнившись, абие исцелѣ и, аки елень, воспрянувши, ко обители Твоей поспешаше.

Пѣснь 8.

Ирмосъ: Царя Небснаго, / Егоже поютъ вои Ангельстии, // хвалите и превозносите во вся вѣки.

Во градъ Кіевъ от пределъ Уральскихъ пришѣдшей женѣ бѣсней явися Богородица со предобнымъ Иовомъ, и на гору Почаевскую тую призываше, идеже здравие ей подавши, славити научи Своѣ заступленіе.

Омывъ очеса своя в купели Силоамстей, приѣмлетъ слепорожденный зрѣние Христовымъ велѣниемъ; омывшись же от воды стопныя в цѣркви Почаевстей, исцелѣ слепая отроковица. Убо и наше страстное ослепленіе исцели, Владычице, водою от слѣда стопы Твоея с верою кропящихся.

Сию отроковицу исцелѣну узревши, прабаба ея абие прельщѣния унитскаго отрицается и Православную исповѣдуетъ веру, в нейже утверди и ны, рабы Твоя, о Владычице.

Людие Божии, на гору Твою, Владычице, притекающе, обѣты подвигъ благочестивыхъ тамо приносятъ, яже дѣлы исполнити помози имъ, Богородице.

Ангели на небесѣ Твою славу непрестанно воспеваютъ, Богородице, на земли же человецы ко Твоему заступленію притекати не престають, ихже въздыханія не отрини, яко Благая, паче же на мѣсте явленія Твоего техъ молѣнія услыши.

Вѣлия Твоего заступленія сила, о Владычице, егоже ради Сынъ Твой и Богъ нашъ грѣшнымъ прощѣние даруетъ, подвизающимся же крепость и унывающимъ утешѣние.

Пѣснь 9.

Ирмосъ: Воистинну Богородицу, / Тя исповѣдуемъ, / спасеннии Тобою, Дѣво Чистая, // с безплотными лики Тя величающе.

Не точию единъ по единому подвизаются христиане на гору Почаевскую, но и от сугубо священнаго града Кіева совокупльшеся вернии, помощь от сея чудотворныя иконы в годину бывшаго губительства исповѣдаша и, подобие ея написавше, во святую лавру сіе принесоша.

Убо и во грядущая лѣта спасай насъ, Владычице, от губительства и междоусобныхъ брани, от глада же и огненнаго запалѣнія, занѣ оскудѣвшей крепости дѹш нашихъ, унынія исполняемся в бѣдахъ, неразумливи суще.

Южский пределъ земли российския Почаевскую икону Владычицы и святую лавру Ея, яко диадиму царства хранитъ, и сими хвалится; обаче же и северский, во граде Тобольскомъ, чудотворное подобие тойже Почаевския иконы молитвою иноковъ себѣ испроси.

Русскую зѣмлю, о Владычице, яко безпредѣльное горы Твоея подножие, от бѣд и искушений свободи и во благочестии тую сохрани до скончания вѣка.

Уже нестыдно поднявшимся хульным гласом посреде христианскаго жительства, не остави, Богородице, раб Твоих в тех прельщениях впасти, но веру несумненно возгревай в сердцах наших выну.

Се время заступления Пресвятыя Богородицы прииде, умножившимся соблазном, се время наших к Ней воздыханий. О, братие! Рцем убо от всего сердца нашего: Владычице, Владычице! помози людем Твоим.

Ексапостиларий. Подобен: Чертог Твой вижду.

Видение дивное: во огни Пресвятая Дева, чудеса же неисчислима от иконы Почаевския нам известишася. Воспринем убо, о людие, от греховнаго сна, исправления житию нашему со слезами да просим, и Матери Божией с верою днесь поклонимся.

НА ХВАЛИТЕХ СТИХИРЫ НА 4, ГЛАС 4:

Воспоим, людие,/ Пресвятую Деву Чистую,/ на горѣ Почаевстей древле пастырем явльшуюся,/ ныне же всю страну нашу оттуду благодѣющую:/ весть бо Владычица прошения наша во благое исполняти,/ и сердца наша умилением растворяти,// и рабы Своя от бѣд и зол сохраняти.

[Дважды.]

Не возгнушайся нас, грешных, Милосердая Мати,/ маловерия ради нашего от нас не отврати́ся,/ но паче веру нашу благодатною помощию Твоею умножи// и жертву хвалы приносить Тебе рабы Твоя научи́.

Слепыя, и хромыя, и сличенныя, ко Твоей святѣй иконѣ припадающия, всемо́щным дѣйством Твоего предстательства исцелила еси́, Богородице: бѣсы, людей мучащия, отгна́ла еси́, Православную веру агаряном и еретиком открыла еси́. Убо и наших молений не отрини, Пренепорочная, но яже ко спасению прошения наша исполни.

Слава, и ныне, глас 8:

О Твоих знамениях, Богородице Владычице,/ славится гора Почаевская,/ и всяк язык христианский/ силу Твою исповѣдует,/ ихже ради невернии правоверни содеяшася,/ грешнии в покаяние приидоша,/ ленивии к духовному деланию устремшася./ Имже и нас подражати, Благая, научи́,/ Тебе тепле благодарити устрой нас/ и воздвигни выну воспевати славу Сына Твоего,// Единого от Святыя Троицы славимаго Бога нашего.

Славословие великое, ектении и отпуст.

НА ЛИТУРГИИ,¹

Блаженна, песнь 3-я и 6-я, на 8.

Тропарь, глас 5:

Пред святою Твоею иконою, Владычице, / молящихся исцелений сподобляются, / веры истинныя познание прие́млют / и ага́рянская нашествия отража́ют. / Темже и нам, к Тебе припа́дающим, / грехо́в оставле́ние испроси́, / по́мыслы благочестия сердца на́ша просвети́ / и к Сыну Твоему моли́тву вознеси́ // о спасе́нии душ на́ших.

Кондак, глас 1:

Исто́чник исцелений и веры Православныя утвержде́ние / Почаевская Твоя икона, Богородице, яви́ся, / те́мже и нас, к ней притека́ющих, / от бед и искуше́ний свободи́, / ла́вру Твою невредиму́ сохрани́, / Православие во окрест стоящих страна́х утверди́ / и грехи́ разреши моли́твенник Твои́х: // елика бо хо́щеша, мо́жеша.

Прокі́мен, глас 3, пёснь Богоро́дицы: Вели́чит душа́ Моя́ Го́спода, и возра́довася ду́х Мой о Бо́же, Спа́се Моём. Сти́х: Я́ко призре́ на смире́ние рабы́ Своея́, [се́ бо отны́не ублажа́т Мя́ вси́ ро́ди].

Апо́стол ко Евре́ем, зача́ло 320. Аллилу́ия, глас 2: Воскресни́, Го́споди, в поко́й Тво́й, Ты́ и киво́т святы́ни Твоея́. Сти́х: Кля́тся Го́спо́дь Дави́ду и́стиною и не отве́ржется ея́. Ева́нгелие от Луки́, зача́ло 54.

Прича́стен: Ча́шу спасе́ния прииму́ и и́мя Го́спо́дне призову́.

Велича́ние:

Велича́ем Тя́, / Пресвята́я Де́во, / и почита́ем честную ико́ну Твою́, / ю́же от лет древних на горе́ Поча́евстей // просла́вила еси́.

¹ Зри́: Службу́ сию́ поём Иу́лия в 23-й де́нь, егда́ бысть видёние Ма́тере Бо́жия над це́рковию Поча́евскою и ага́ряном пораже́ние в ле́то 1675. Быва́ет же покло́нение чудотво́рному о́бразу Поча́евскому в пра́здник Рожде́ства Пресвяты́я Богоро́дицы и покло́нение сле́ду стопы́ Ея́ в пято́к Све́тлыя седми́цы. Оба́че в сия́ дни́ твори́м службу́ по мине́и пра́здничней и по трио́ди.

Напева Свято-Успенской Почаевской Лавры

C.
A.
T.
B.

Пред свя-то-ю Тво-е - ю и-ко-но-ю, Вла-ды-чи-це, мо-ля -

щи-и-ся ис-це-ле - ний спо-доб-ля - ют-ся, ве-ры ис-тин-ны-я

по-зна - ни-е при-ем - лют и а-га-рян-ска-я на-шест-ви-я от-ра -

жа - ют. Тем - же и нам, к Те-бе при-па-да-ю-щим,

гре-хов ос-тав-ле-ни-е ис-про-си, по - мы-слы бла-го-чес -

ти - я серд-ца на-ша про-све-ти, и к Сы-ну Тво-е - му

сдерживая

мо-лит-ву воз-не-си о спа-се - ни-и душ на - ших.

Непроходимая Врата

Напева Свято-Успенской Почаевской Лавры

Не - про - хо - ди - ма - я В ра - та, тай - но За - пе -

чат - ство-ван-на - я, Бла - го - сло-вен - на - я Бо - го -

ро - ди-це Де - во, при - и-ми мо-ле - ни - я на - ша

и при - не - си Тво - е - му Сы - ну и Бо - гу,

да спа - сет То - бо - ю ду - ши на - ша.